



数据加载失败，请稍后重试！

雞澤縣志卷之四

蕭山王錦林粵巖增輯

靜海牛思永 校訂

山川

為高必因邱陵為下必因川澤雞以澤名地勢卑下  
為廣郡眾流所歸自古然矣舊有雞澤山今或夷為  
平壤而鳳起一撮土非有層巒峻嶺之觀若滄陽沸  
湧于東郊洺沙舊滄橫溢于西鄙利害常相半也開  
渠築堰以厚民生興其利去其害非為政之急務乎

志山川而以水利附

形勝右縮沙洺左滎漳滏背燕面魏畿輔股肱

雞澤山山堂肆考雞澤山在廣平府雞澤縣境杜預云在

廣平曲梁西南

按縣城西南半里有白衣大士卷一名雞鳴奶奶廟基址高四尺許相傳昔有土山

明時御史王慶蛟卜為陰宅不吉因建此廟或即係雞澤山未可知而杜武庫註稱廣平曲梁西南宜在今之

段家庄善家堡等處尋訪竟不可得姑志以俟確考

鳳起山在縣治後明萬厯間知縣曹孔榮築

著教諭何兆湖有記詳藝

文志 康熙十年知縣姜焰增築乾隆十七年知縣王光燮再

築

山在縣宅北預備倉南前為兩塘中間井泉後臨深池平岡迤邐長十餘丈寬三文許舊志稱是山中峯鼎峙

樹木蔭郁登眺其上萬井雲烟歷歷在目年久頽廢止  
歸然杯土等語自姜任增築後歷今九十年無有通而  
問者簿書期會或以是非要務而忽之歎夫鳳鳴高岡  
與文運相應邑自同年賀雋丙辰後久之嗣音余以壬  
申春始築是山杜子學詩中副車次年加築遂登賢書  
會逢其適柳或扶輿有係也擬於山前建亭顏以覽輝  
復將兩池加濬中通一徑下壘小橋周圍植柳塘  
內栽蓮以為邑中遊覽之所未知得遂此願否

洛河在城西五里源出山西太行山自河南武安達邯鄲

西北二流雙渠仍合為一東經永年臨洛鎮又東至新庄

堡入縣境全家庄東北經南雙塔臻底村北至柳下城隍

界又北至韓固沙陽入順德府南和縣界至寧晉入泊

沙河一名渴水在城西十里源出山西遼州經順德府沙

河縣東達永年縣北又東至鄭厯村入縣境東北經焦佐

界北至浮圖黃溝又北至城隍韓固營入順德府南和縣

界至寧晉入泊

按沙河自永年鄭厯村入境河道窄狹易於淤溢迤河村庄多受水患康熙十七年

前令朱公冕相度地形鑿東西兩渠一名公河自浮圖東岸經西柳村營東北至東柳北至城隍入正河一名

小裏河自浮圖西岸經南庄村北至北庄高家庄至南和縣朱家庄界入正河自此河水分流數十年來民享

其利雍正八年大水河決鄭厯之南東流入普高村又東北漫溢至栢枝寺東柳村又北至城隍營分為兩支

一入正河一溢於韓固村營至宋家庄入河知縣黃在中具詳堵塞決口而河身淤淺不能順流歷年堵築無

效每當水發時河流瀾漫寬六七里長二十餘里構田洩成巨浸冬間水涸僅可種麥或積水未消則於次春

補種扁豆紅花獲利無幾夏秋發水不能種藝名為一水一麥之區正河無水浮沙堆積綿垣七八里或將堤

岸犁平侵種木椽河道淤塞沿習為常乾隆十五年庚午余蒞治茲土辛未夏潦親行復勘東柳栢枝村庄宛在水中數村士民以挑浚正河為請余以歷年既久事體重大未敢遽行因集浮圖黃溝各村會議僉允癸酉三月始決疏濬之舉按畝出夫計里分工凡用民夫十六村二旬而工竣是秋河水安流居民免患俟來春復濬兩支河以繼朱公故績俾浮圖各村永免水害後之官斯土者踵事增修庶其有濟乎

牛尾河原名舊濠河在城西自永年通水開流二里許會

郡城西北各村稻田宣洩之水東北至下堡店入縣境粟

家庄北至西硯池柳林口又北經六方馮鄭四雙塢過西

關金龍口又北至馬方營入順德府南和縣界至寧晉入

泊牛尾河一名小河永年志俗名出水溝明嘉靖十二年知府李騰霄開鑿入縣境至六方村河道紆曲不能畜

水泛溢為患康熙七年知縣姜焄相度形勢自馮鄭村  
至亭自頭捐俸買地挑濬新河約二里許河流順利六  
方等村永無水患鄉民德之建有往來憩息公廨名曰  
沿水新亭年久頽廢基址為村民侵占乾隆十幾年知  
縣王光燮購城東地  
改建新亭於其上

牛尾河自康熙年間姜令略為挑浚後淤淺不行難免泛  
溢因畿輔頻年水患上厓

乾隆二十七年興修水利業內

尚書阿  
侍郎表  
會同

宮保督憲方親履相度嗣飭委正定府鄭定州狄

趙州金會同知縣王錦林逐一確估河面展寬二丈二

尺河身挑深一丈二尺自永年大營頭起直至任縣大陸  
澤止通長一萬九千三百五十四丈派六段經辦縣境內  
河長五千四百丈計挑旱土方四萬零二百一十二方共  
需帑銀二千八百一十四兩八錢四分零於二十八年  
二月興工五月竣事寬深一律蓄洩可恃仍諭各村居民  
每歲春融於淺淤阻塞處照向例按地修濬庶積潦可除  
永資利賴則所以仰體

而下恤民隱兢兢焉以求無失厥職者謂非守土之責歟  
願與後之蒞茲土者共勉之



按縣屬西南至東北一帶地勢依窪東自滏河西接牛尾皆河高於地當夏秋水發之時每多散漫居民患之於乾隆二十七年奉文興修水利知縣王錦林詳勘形勢自全家庄及亭自頭東六方至城濠又自城東北至平鄉交界一帶於大道旁開挖支溝一道引水入濠下達平鄉歸於寧晉入泊通詳各憲有案

滏河在城東十五里源出磁州鼓山南巖下湧沸如湯故名滏東匯神農山黑龍洞水經州城東北又東入邯鄲會渚沁二水東北過郡城又東達曲周北至馬疇村入縣境舊城營北至邢家堤又北至東于口入順德府平鄉縣界北流至天津青縣通漕入于海

漳河漳有二源清漳出山西樂平沾嶺濁漳出長子發鳩

山至河南涉縣合流曰交漳口東經磁州入河南臨漳成安肥鄉達曲周界與滏河合流入縣境

本朝康熙二十三年漳水東徙復與滏分自此境內無漳其故道在縣東二十里自曲周五間房入縣境羅官營八里至韓窰村于次口仍入曲周界

興隆河在縣東自滏河西岸邢家堤開渠西至吳官營西北至張路固西至臺頭北又西至東關外入城濠乾隆十

六年知縣王光燮新濬

按縣境舊城營舊有閘座開渠通濠名文明河明季湮廢乾隆九年

奉

旨興舉直隸水利

特命大臣查勘前令李世基集眾議欲復舊城渠閘里民慮地險為患乃建閘於邢家堤名曰利民閘渠自吳官營村內至臺頭村前歸文明故河以入城濠河道紆曲水不順流辛未春士民王翰等呈請續舊營新度地得此自東南至西北高下適宜三月興工眾皆踴躍趨事閘一月而工畢由是水勢通行直達城濠次年於河之南北挑濬子溝七道各建小閘計可溉田三百頃但滄水入境其流甚微夏初播種時水或不至水澇之年閘開惟恐不謹惟秋末開閘灌田可以多種二麥且水性肥厚能變斥鹵為膏腴因其利而導之以時經理是所望於後之同志者矣

文明河在縣東乾隆九年知縣李世基復濬

說見前

閘座

金龍閘在城西北康熙年間知縣管維武建乾隆十七年

知縣王光燮重修牛尾河通城濠處

五靈閘在縣西南雙塔村牛尾河二曰南靈北靈洛河三

曰南靈中靈北靈乾隆九年知縣李世基建首事生員董霖雨董事生

員郝淵王綱劉元功董毓秀李杜等計灌田一百四十頃

永和閘在縣西北大韓固洛河東乾隆十四年建董事生員賈魁

元等計灌田十頃一十畝

義利閘在縣北小韓固洛河西乾隆十二年建董事生員胡建勳胡

等計灌田五頃二十畝

永順閘在縣北小韓固洛河東乾隆十六年建董事生員賈金等計

灌田十二  
頃五十畝

獲利閘在縣北沙陽沿河西雍正十二年建  
董事生員 翁容响等計灌

田八頃  
三十畝

利民閘在縣東邢家堤沿河西乾隆九年知縣李世基建

首事生員王翰董事貢生方効職監李仁生員魏琇高惠生徐元登邢殿揚等

七利閘在縣東興隆河子溝七道南四北三各修小閘曰

一利二利三利四利五利六利七利乾隆十八年建

青龍閘在城東乾隆十七年知縣王光燮建  
興隆河入城濠處董事監

生梁徵吉生員殷功等

文明閘在城東南乾隆十八年知縣王光燮建文明河通城濠處督

工工房趙宗  
宋李懷璞

### 堤堰

護城堤 高一丈濶八尺明嘉靖二十年知縣曹希曾建四  
十三年知縣常世勳隆慶五年知縣張汝學增修

本朝乾隆十六年知縣王光燮重修

沙河堤今為牛尾河堤在縣西一里 高一丈濶一丈長三  
十二里明嘉靖四十年

三年本府同知張九一隆慶五年知縣張汝學增修  
本朝康熙七年知縣姜焯乾隆十六年知縣王光燮再修

新河堤在縣西南 自馮鄭至亭自頭長二里  
康熙七年知縣姜焯築

滄河堤在縣東 河西大堤高一丈四尺濶一丈二尺長十  
五里定例五年一大修主修三村曰舊城

烏... 卷之... 山... 二

營邢家堤東于口協修各村曰三貫庄庫丈庄丁陳庄  
附馬寨靳家庄槐玉橋常家庄于林要庄四河口司馬  
堡郝庄八家寨臺頭賈庄葉柳營東馬方營張路固吳  
官營郭家庄達官營程官營東安上西于口劉家庄北  
馬方營三青堤龍泉各村按牌分段授工加高培厚務  
在完固每年小修各按地頭填補或有坍塌處所隨時  
修整乾隆十七年大修其東堤稍依窄亦  
各按地自修工程險要者本村合力修築

漳河堤在縣東

高七尺濶七尺舊長  
二十五里今長八里

郡志雞澤地勢窪下為衆流所匯田皆斥鹵滄河距城東  
十里許舊於舊城營開渠建閘引以通濠東南臺頭等四  
十村資其灌溉明嘉隆間漳水迸入頻溢為害天啟六年  
水大溢閘潰渠亦堙嘗議復舊制第河卑地高必更築橫

開攔蓄而下游平任之人惡分其利輒羣起爭之夫曲防  
有禁若滙之在難止為鄰封計而傍岸石田曾不得霑涓  
滴偏枯之歎所不免矣縣西三里為牛尾河又西三里為  
洛河兩岸之雙塢沙陽橋等村均可置閘引水茲方經始  
竚觀厥成焉牛尾乃永年八閘通滙之下流勤挑澹則無  
壅滯南和以往或秦越視之則尾閘塞而胸腹病矣仰其  
利弗恤其災平情者固不若此城之週有堤城東又有漳  
河堤今並廢惟沿滙堤十五里里民歲修

修志郡伯烏程  
吳穀辛丑進士

雞地下衆川交流瀟澤國焉每秋水大漲漂廬沒田為境



內患司牧者謂天時地勢所必至無可如何而不知裁成  
輔相人事之幹旋為急也沙水道狹至則散漫無所歸極  
通水開啟閉在永旱則蓄為永利滯則洩為難害此二水  
皆有害而無利者也洺勢平水厚漳滏既合率安地中溢  
則能變斥鹵為膏腴此利多而害少者也治沙及舊滏在  
導之使下以絕其害治洺及漳在修閘築堰時蓄時洩以  
收其灌溉之益多穿溝渠分流遠引以殺其怒張之勢此  
在永業有成效誠當今之急務累世之長計一方食福豈  
小補哉修人事變天時莫地勢是在司牧者獨斷而力行

之耳姜志

澹水發源殊微經磁邯永三屬澆灌外春夏需水時有斷

流之虞夏秋之交雨潦驟集又往往漫溢為患曲周志

澹水至平邑已經上游疏引水力稍弱雖抗稻未宜而夾

岸畦園若干頃灌汲之利于斯普焉平鄉志

按雞邑四水其源流利害前人論之詳矣余任雞數載廣諮博詢加意講求凡所興舉皆合眾志如開興隆河

及濬沙河故道尤為興利除害之大端行之頗有成效來年復濬沙水兩支河加築護城堤水利規模可畧定

也惟牛尾及泥河淺窄不能受水尚宜開濬深廣而為城濠疏濶計又當于東北地面挑一順水溝至平邑順

堤歸河則邑中水患永除但工役屢興民力難繼俟休息數年商度行之可耳



雞澤縣志卷之五

蕭山王錦林粵巖增輯

靜海牛思永 校訂

學校

昔夫子適衛加庶曰富加富曰教車中三致意焉故  
立學校明禮義所以崇獎實行為曰民先也今郡邑  
皆有學宮上丁祀典莫隆矣雞澤為古衛地作新  
康又教澤孔長士生其間春誦夏絃當有心臧於土  
物之愛者寧唯是芹藻縉紛子衿誇美已耶志學校

儒學在縣治東金永安三年知縣高琢建

尚書左丞漳川董師中撰記見

藝文元延祐至元間知縣高師顏張崇重建明永樂十三年

知縣宋銓重修宏治三年知縣倪英增修九年典史張本

修葺嘉靖十一年知縣周文定河東進士張時繼修享撰記見藝文四十

四年知縣常世勳復葺隆慶四年署縣事本府通判王之

藩修理殿廡門垣臺一新

邑人劉錫撰記見藝文

本朝順治二年知縣吳應文重修九年知縣羅需再修康

熙元年知縣袁鴻謨常志踵修六十一年署縣事曲周

知縣崔湄渝斌相繼修葺

邑人齊封撰記見藝文

雍正十一年知縣

景一元重修

吏部員外閩縣李開業撰記見藝文

乾隆九年知縣李世基教

諭尤淑孝修葺十七年知縣王光燮再修

大成殿明嘉靖五年知縣張時啟增修嘉靖十一年知縣

唐音重修殿五楹東西廡各十一楹前戟門泮池櫺星

門門外德配天地道冠古今二坊前照壁俱頽廢已久

本朝乾隆三十年知縣王錦林重修殿基陞高三尺許餘

仍舊制修葺

事詳重修文廟碑記載藝文廟內有古柏十餘株又儒學張燁尤淑孝植柳百餘株

崇聖殿三楹康熙六年學院蔣超修龕乾隆十八年教諭

尤淑孝訓導王賀修葺三十年知縣王錦林重修

名宦祠在戟門左明嘉靖四年邑民郭周梁漢等二十人

捐建三十三年知縣黃鑒改建今地 本朝乾隆三十年

知縣王錦林重修祀統督李蔭祖朱昌祚趙宏燮巡撫于

成龍

山西永寧人

格爾古德于成龍

奉天人

沈朝聘守道朱宏祚邵嗣

堯大名道梁忠

邑人

高琢劉明善霍安道邵錦張受道今增

祀銀鏡唐音李必達曹大章吳應文姜焰朱冕譚尚巖

鄉賢祠在戟門右

明正德十五年

教諭李一寧改文昌祠建

嘉靖三十年

三知縣黃鑒改建今地

本朝乾隆三十年知縣王錦林重修

祀毛遂毛長郭

守素毛藻馮仁海趙鼎郭恕劉誠賈熙載王煒

今增祀

劉錫

趙永安王夢蛟殷太白淵齋祖望苑育著

學署在文廟西大門三間明崇禎十六年知縣賈益謙建  
明倫堂五楹在大成殿右明正德六年知縣銀鏡修題名  
碑在東壁臥碑在後壁萬厯三年知縣曹孔榮天啟三年  
知縣曹大章

本朝康熙十二年知縣姜焰乾隆八年知縣李世基教諭  
尤淑孝相繼修堂前左右二齋曰日新曰時習堂後文會  
堂饌堂東號房十一間俱明嘉靖間知縣周文定建知縣  
黃鑒重修今廢齋前儀門三楹中曰賢闕左曰禮門右曰



義路今改中左右各一楹

敬一亭舊在戟門外明嘉靖三十六年教諭張景暘改建

櫺星門外東南隅今廢

尊經閣五楹在明倫堂後明崇禎元年知縣曹大章建置

敬一碑於內乾隆二十五年知縣王錦林重修

文昌閣三楹在戟門東南舊為帝君廟在縣治西北

明萬曆三

十年生員郝邦楨建 本朝順治四年生 蘇齊歐增建康熙十年知縣姜昭重修

知縣祖法敬改建今地乾隆八年燬教諭尤淑孝創建今

閣

閣在邑東南巽方有文明之象峻勢巍義屹然聳峙 尤淑孝有勸捐募引編修元和沈景澗撰記見藝文

奎星樓舊在櫺星門左明萬曆十二年知縣趙思明建

本朝康熙二十八年知縣祖法敬移建學宮之南

邑人李駿聲記

畧見乾隆十六年教諭尤淑孝重修

文筆峯在縣城東南隅明天啟二年知縣張素裕建今廢  
射圃在文廟東今廢

教諭宅在明倫堂西乾隆七年教諭尤淑孝增建房舍十  
二間

訓導宅在明倫堂東北今發現在議建

學田一十三頃一十九畝一分五厘

每年共徵銀三十二兩七錢五分零向例

散給廩  
生貧士

縣學額設廩膳生員二十名增廣生員二十名歲科取入  
文生十八名武生十五名

鳳輝書院在縣署東舊為義學康熙十年知縣姜焯建正  
房三間門房一座捐俸延師教民間子弟康熙二十一年  
知縣朱冕改為洛川書院增置廂房三間年久傾圮乾隆  
十六年知縣王光燮捐置地基建增建房屋正房後退廳五  
間南北學舍各六間門房三間十八年五月落成改名鳳  
輝取縣後山名為鳳鳴高岡之義教諭尤淑孝題匾每月

課試生童二次捐備供給獎賞前列其延師膏火等費現擬設法為久遠計院北隙地尚可增置學舍規模擴充容肄業生數十人

義學一在西門玉皇廟一在東門帝君閣一在北關元帝

廟俱乾隆十六年知縣王先燮增設捐俸延師訓讀舊有義學

田一項十一畝五分俸瘠地每年約收租息八九兩向止延師一人今分設三處計捐俸二十餘金 一在

董雙塔元帝廟廟地一十六畝為延師費 一在慕家堡村元帝廟廟地四

八畝一半為修廟 一在全家庄即且止亭舊址南雙塔生員賈壯猷等建正房三間

全家庄生員黃振南等建廟房四餘各村在現飭議添設間現在兩村公議設館捐賢延師

余閱舊志脩書名宦鄉賢姓名而不載先聖賢儒位次殊多遺漏今謹攷其姓氏序次歷朝封爵配享從祀之位詳細脩載

大成殿供奉

先師孔子神位

攷孔子之尊崇自魯哀公十七年立廟孔子舊宅漢高帝十二年過魯祀以太牢漢文帝元始元年追謚孔子為褒成宣尼公此制祀追謚之始也漢明帝承平二年以周公孔子並祀魏晉以降或封公或封侯或祀於閔

里或祀於辟雍靡有定制唐太宗貞觀間專祀孔子停  
周公天下郡縣立廟致祭宋真宗大中祥符五年加稱  
至聖元武宗至大元年加號大成至聖文宣王有明世  
宗嘉靖九年從大學士張璁議稱至聖先師孔子 本  
朝因之

四配

復聖顏子 宗聖曾子 述聖子思子 亞聖孟子

攷顏曾思孟配享孔子廟庭自宋度宗咸淳三年所定  
歷代仍之

十二哲

閔損 冉雍 宰予 端木賜 冉求 仲由 言偃

卜商 冉耕 顏孫師 有若 朱熹

攷十哲從祀自唐玄宗開元八年所定子朱子康熙五

十一年陞配

東廡先賢

蘧瑗 衛人 澹臺滅明 魯人 原憲 宋人 南宮适 高擢 漆雕開 冉孺 伯

虔 冉季 漆雕徒 父漆雕哆 公孫赤 俱魯人 司馬耕 宋人 梁鱣 齊人

任不齊 楚人 公良孺 陳人 公肩定 鄒單 宰公黑 榮旂 左人 郟鄭

國原元 俱魯人 廉潔 衛人 公西與如叔仲噲却嬰 俱魯人 陳亢 陳人

琴張 衛人 步叔乘 齊人 秦非顏噲顏何縣亶 俱魯人 樂正克 魯人 萬

章 周敦頤 宋人 程顥邵雍 俱洛人

西廡先賢

林放 魯人 司馬耕 宋人 宓不齊 魯人 公冶長公皙哀 俱齊人 高柴 衛人

樊須商澤巫馬施顏辛 俱魯人 曹卹 蔡人 公孫龍 衛人 秦商顏高

俱魯人 壤駟赤 秦人 石作蜀 成紀人 公夏首 魯人 后處 齊人 奚容蒧 魯人

句井疆顏祖 秦祖 秦人 縣成 魯人 公祖句茲 魯人 燕伋 秦人 樂歆

魯人 孔忠公西箴顏之僕施之常申振 俱魯人 左邱明 周人 秦冉

鳥澤系志 卷之五 學校



劉澤  
牧皮 公都子公孫丑 齊人 張載 秦人 程頤 洛人

東廡先儒

公羊羔 周人 伏勝 董仲舒 后蒼 杜子春 諸葛亮 俱漢儒 王通 隋儒

范仲淹 歐陽修 楊時 羅從彥 李侗 呂祖謙 蔡沈 陳淳 魏了

翁王栢 俱宋儒 趙復 許謙 吳澄 俱元儒 胡居仁 王守仁 羅欽順

俱明儒

西廡先儒

穀梁赤 周人 高堂生 秦人 孔安國 毛萇 鄭康成 俱漢儒 范甯 東晉儒

韓愈 唐儒 胡瑗 司馬光 尹焞 胡安國 張栻 陸九淵 黃幹 真德

秀何基陳澔金履祥

俱宋儒

許衡

元儒

陳憲章蔡清薛瑄

明儒陸

隴其

康熙庚戌進士

攷七十二賢之祀自漢章帝元和六年始其餘先賢先

儒經歷朝論定進退不一本朝雍正二年奉勅議

定如今

崇聖祠

肇聖王木金父公

裕聖王祈父公

詔聖王防叔公

昌聖王伯夏公

啟聖王叔梁公

配位鄉賢

顏無繇

曾點

孔鯉

孟孫氏

激

從祀先儒

周輔成

程珦

蔡元定

張廸

朱松

按雍正元年追封先聖王爵五代二年增入從祀先儒  
張廸一位改啟聖祠為崇聖祠

雞澤縣志卷之六

蕭山王錦林粵巖增輯

靜海牛思永

校訂

壇祠

先王以神道設教秩祀之典匪徒崇報凡以理幽佐  
明使民知畏敬耳今郡邑各有祀事春秋展禮典綦  
重矣至治馨香通於神明所以昭格來歆者不在禮  
儀之卒度而在嘉德之無違原有當先民後神之義  
至若琳宮梵宇創建有禁而遺構尚存但使正教昌

明不崇其說何妨物外遊憇也志壇祠而以寺觀附

社稷壇在城北雍正十年增建臺垣乾隆十八年重修

計地

六畝九分五厘八毫東西長二十一丈三尺南  
北長十九丈六尺臺高三尺四面各二丈五尺

風雲雷雨山川壇在城南雍正十年增建臺垣乾隆十八

年重修

計地二畝七分二厘七毫東西長九丈三尺五寸  
南北長十七丈五尺臺高三尺四面各二丈五尺

先農壇在城北雍正六年知縣楊元愷建正房三楹東西

房各二楹乾隆二十八年知縣王錦林重修

廟基五分藉  
田四畝四分

邑屬壇在城北

即社稷  
壇前地

鄉屬壇十一處在城社

在城西北計  
地八分八厘

八家社

在縣東十五  
里八家寨村

計地一分 浮園社 在縣西十八里 浮園屯 在縣南十五里 東六方村

計地六分 三陵社 在縣南二十五里 三陵屯 在縣南二十里 附馬寨村 計地

一分 義禮屯 在城東八里 郝惠民屯 在縣南十里 楊家莊 計地七分 釐

興濟屯 在縣南六里 雙增社 在城西北 餘慶社 在縣南十里 計地八分

里四河口村 計地八分

城隍廟在縣治東大殿三楹 內寢五楹 寢東三楹 廳車三

楹 旁殿各三楹 東西廡各十一楹 中臺三楹 旁各三楹 臺

下為儀門 門外各七楹 頭門三楹 旁門各一楹 外坊一座

乾隆二十五年 知縣王錦林重修 事詳重修城隍廟碑記載 藝文有香火地三十畝

關帝廟在縣治北迎恩街

明崇禎間邑人吉自志增建後殿本朝康熙間知縣姜焯建

屏壁東西二門廟內靈棘一林歷年久遠天啟間復生兩枝廟有香火地一十二畝一在縣治西承宣街有香火

地一十六畝各村庄共八十餘座南雙塔有地三十六畝永光村地二十五畝劉馬昌地二十二畝榆林村地二

十畝吳官營地二十畝東柳村地十五畝全家庄地十五畝東北庄地十二畝西要庄地十四畝餘廟甚多不悉載

八蜡廟在縣治西 馬神廟在縣治西

獄神廟在獄內

監獄圍牆向係土砌乾隆二十三年知縣王錦林捐建磚牆

土地祠

在縣治儀門東

玉皇廟在縣治西承宣街

各村庄共八座

元帝廟即真武廟一在縣治北通和街一在北門外

有香火地

一十各村庄共四十餘座

都庄有地二十八畝吳官營有地二十畝餘不悉載

文王廟在縣治北鳳起山西即帝君廟舊址康熙六十年

建

廟立周文王像東西分列百男  
匾曰廣生帝君蓋求嗣者所奉

五道廟在縣治北通和街

東嶽廟一稱天齊廟在南門外各村庄共十座

連官營有地四十畝

龍王廟一稱九龍廟

有香大地十  
三畝五分

各村庄共二十八座

東屯

庄有地  
十八畝

增福廟在西門外

有香大地  
五畝六分

碧霞元君廟一稱娘娘廟在北門外金龍口

有香大地  
一十三畝各

村庄共三十座

西安庄有地三十五畝城隍營有地  
十二畝附馬寨有地十畝餘不悉載



雞鳴奶奶廟一稱白衣庵在城西門外半里

藥王廟即扁鵲廟在縣南三十里三陵村乾隆十八年重

修有香火地二十三畝 一在縣西四里王雙堽村

玉帝廟在縣西南八里亭自頭有香火地一十七畝

三官廟在城東北一里梁家莊各村庄共二十座南莊村有地三

十二畝浮圖店村有地二十六畝羅官營有地十九畝栢枝寺村有地十三畝餘不悉載

三皇廟在縣西十二里東柳下村有香火地一在縣東十

五里舊城營

三賢廟即三義廟一在縣西十三里南馮鄭一在縣西十

八里浮圖店村

帝君廟在西十二里東柳下村

有香火地  
三十五畝

滄河神廟一在縣東十五里舊城營一在縣東十三里邢

家堤

有香火  
地五畝

九天聖母廟在縣北三里毛官營

有香火地  
三十二畝

崔府君廟在縣西二十五里焦佐村

有香火地  
二十五畝

閻君廟在縣東十里西要庄村

有香火  
地六畝

二郎廟在縣北六里魏青堤

文昌閣在縣東十五里舊城營一在縣西十二里東柳下

營乾隆十八年新建

忠義祠在縣治東即府行館舊址雍正六年知縣黃在中

奉文建祠唐毛藻元趙思源明田應弼董士元郭都陳愈

美郝臣王汲馬學古趙濂于起龍趙啟璧王政新康霖康

震陳奏可今增祀杜璋齊宗閔趙應斗

本朝胡俊賈廷輔賈其仁

舊祀劉錫殷太白  
殷淵今入鄉賢

節孝祠在縣治東即府行館舊址雍正六年知縣黃在中

奉文建祠明趙伯讓妻王氏趙亨妻李氏孟宗妻劉氏郭

濂妻韓氏王法妻張氏何澤妻梁氏陳三妻金氏王諒妻

史氏王相妻郭氏王守深妻韓氏王尚古妻聶氏吉仲和  
妻弓氏王登妻趙氏何炳妻王氏何三讓妻賈氏趙炯妻  
殷氏梁可則妻劉氏田九齡妻賈氏柴基妻魏氏何講妻  
許氏王鎬妻趙氏張民服妻高氏陳喜妻王氏于銳妻劉  
氏趙一信妻郭氏劉尚朋妻趙氏劉孟池妻王氏盧尚賓  
妻郝氏張世紀妻柴氏趙貺妻毛氏郝近鳳妻梁氏田承  
志妻賈氏武秋妻李氏田學書妻焦氏金世錄妻郭氏田  
蘊璽妻李氏宋鉞妻李氏王奈妻趙氏武元祥妻周氏張  
璠妻陳氏顧通妻楊氏王邦友妻張氏賈聚樂妻張氏趙

瑄妻李氏陳明道妻張氏康爾祚妻趙氏殷應試女馮氏  
胡復澄妻徐氏王之玉女王氏王璽女王氏

本朝陳彤瑞妻柴氏趙德潤妻梁氏殷琚妻田氏董三節  
妻李氏王溫妻杜氏趙夢奎妻殷氏賈天與妻田氏何如  
任妻郭氏慕三省妻康氏張振文妻李氏蘇萬尉妻閻氏  
侯以爵妻薛氏趙傑妻聶氏今增祀宋秉衡妻胡氏梁怡  
妻楊氏齊祖昌妻趙氏張進財妻郝氏齊青妻蘇氏李皖  
妻王氏

郭公祠在縣南八里北馮鄭紀元太史令邢臺郭守敬

李公生祠在縣治東北祀明知縣李必達今廢

殷仲子祠在學宮南祀明殉難生員殷淵乾隆十八年建

通惠寺在縣治東北

延慶寺在縣南十里楊家庄

有香火地四十畝

華嚴寺在縣西十五里黃溝村

廣濟寺在縣西十二里東柳下營

有香火地二十畝

石佛寺一在縣東二十里附馬寨

有香火地三十畝

一在縣南二

十八里東硯地

有香火地一畝

一在縣東北十里東安上村

大乘寺在縣西南三十里臻底村

有香火地十九畝

崇建寺在縣東北二十里韓村

有香火地 六十畝

崇慶寺在縣西二十里西庄村

有香火地 一十九畝

淨安寺在縣西二十五里焦佐村

有香火地 十三畝四分

開明寺在縣西十八里浮圖店村

有香火地 三十六畝

崇興寺在縣西二十五里栢枝寺村

有香火地 二十四畝

正教寺在縣東八里吳官營

有香火地 四十畝

觀音寺一在縣東八里程官營

有香火地 十畝

一在縣南三十里

孫家堡營

有香火地 二十八畝

觀音堂一稱送子娘娘廟在南門郭內

堪輿家言宜移各建鳳起山西

村庄共六十餘座

東柳下營有地二十三畝邢家堤有地

有地五畝西柳營有地四畝五分柳官營有地三畝餘不悉載





雞澤縣志卷之七

蕭山王錦林粵巖增輯

靜海牛思永 校訂

古蹟

雞澤有盟載在麟史隨唐以來遂以名縣雖城郭屢  
遷廢興不一旌旗壁壘久沒於荒榛蔓草中而過其  
地者猶低徊留之不能去他若堂封禹鬣古人精魄  
所藏千百載下摩挲斷碣憑吊存之可任其湮沒已  
耶志古蹟而以墓塚附

會盟臺在縣東十五里舊城營春秋諸侯同盟于此

遺址一畝

二分乾隆十八年知縣王光燮重築臺高五尺寬廣各一丈六尺現議與本村士民建亭立碑以垂不朽

廣平舊城在縣東十五里即今舊城營隋改為雞澤

普樂城在縣東南二十里貫庄唐初置縣後為竇建德陷

遂廢

雞澤舊城在縣西南十里馮鄭村唐武德四年置石晉徙

治於古城東二十里城湮無考

建德城在縣南三十五里有故城二東西相值相傳竇建

德屯軍處

今查在南雙塔村西遺址尚存

黑閭壘在縣西南三十里臻底村北唐太宗平劉黑闥所築方輿紀要劉黑闥據洛州時所築固名

古城影在縣西二十五里栢枝寺南

舊志鄉民相傳每晨夕陰內行人五六里

外望之見樓臺城郭烟无萬狀儼然一城邑也里人方之海市或夜過其地輒聞人聲喧集今舊址尚存

雁池在縣南二十八里東硯池村

相傳寺前池內掘一石佛有羣雁飛集於上故

建石佛寺因以名村

蓮花池在縣西南三十里三陵村即扁鵲廟前水今湮

漳河枯漕在縣東二十八里鞏家庄漕跡尚存

治水亭在縣西十里馮鄭村康熙八年鄉民為知縣姜焯

建

正房二座各三間門房一座有治水亭詩集行世庶年久遠遺址為鄉民田姓侵占現議城東購地另建新亭

郡志雞邱在永年縣西南水經注曲梁縣之雞澤國語所

謂雞邱矣東北通澄湖杜預春秋注雞澤在廣平曲梁縣

西南元和志永年縣雞澤在縣西南十里左傳諸侯同盟

于雞澤今其澤魚鼈菱芡州境所資

按春秋諸侯同盟處在邑境內縣以此得

名乃郡志據元和志遂將雞澤屬永年境而以西南十里之澤証實其地惟直雞永兩邑隋初曾經併一元和

志不無傳訛今盟臺遺址現存載在畿輔通志而永年縣志古蹟亦無雞邱之名郡志恐有附會似雞傳信且

縣境西南馮鄭三陵間地勢最下夏秋雨潦每成澤國水經注所載雞邱當即此地姑附管見俟博古者泰之

### 墓塚附

趙平原君上客毛遂墓在郡城西南二里

唐朝散大夫驍騎尉毛藻墓在縣西南十八里

今查在東柳村南部

唐望都縣主簿韓固文墓在縣西八里

按墓誌內葬於城西北十五里唐時

城在馮鄭與今縣西八里相合今小韓固沙陽間有古冢一座土民稱為韓都府墳里數適符其為此墓無疑

元平章政事毛文綱墓

元進士累官平章政事勅修墳墓今失所在查縣南三十二里段家

庄有毛都堂墳附近尚有毛姓子孫與毛藻墓縣西南十八里處所不合疑即文綱之墓尚候確查

元李將軍墓在縣西南十三里黃溝村東

墓有石人明殷淵題詩見藝文

明南京刑部員外郎趙鼎墓在縣北六里小韓固

明山西叅議郭恕墓在北關外永陽橋西

明湖廣叅議劉誠墓在縣東南八里八家寨村北

明紹興府知府劉錫墓在縣南三里庄

明太僕寺少卿田應弼墓在縣西十里馮鄭東

明襄府長史田應揚墓

同前

明潞府長史趙永安墓在縣西六里洺河西

明河東鹽運司副使趙有功墓在城東南一里

明廬州府同知賈熙載墓在城西北二里

明鎮江府知府賈熙績墓

同前

明鴻臚寺正卿賈名儒墓在城西四里

明贈雲南道監察御史王煒墓在縣南三里庄

明雲南道監察御史王夢蛟墓同前

明福府長史王夢月墓同前

明遼東副使康應乾墓在縣西五里王家庄

明陝西副使殷太白墓在縣南十八里小寨村

明殉難生員殷淵墓同前

國朝睢寧縣知縣殷岳墓同前

國朝鞏昌府知府齊祖望墓在縣西南十里城隍村南

國朝永寧縣知縣苑育蕃墓在縣西南十五里西柳村南



國朝崇陽縣知縣胡俊墓在縣南二十五里慕家堡村

國朝興山縣知縣改撫寧教諭齊淑倫墓

在城西十里東柳村東

碑記附

金納蘭公德政碑

在縣儀門內明昌五年為知縣武節立鄉貢進士段執剛記今廢

元劉公德政碑

在迎恩街閨帝廟前至元十年為知縣劉明善立中山府判官胡仲昇記

元霍公惠政碑

在迎恩街閨帝廟前至正十四年為知縣霍安道立汾州教授郡人郝獻臣記

明譚公去思碑

在縣儀門外成化二十二年為知縣譚肅立本邑訓導桂陽施恩記

明邵公去思碑

在縣儀門外正德十五年為知縣邵錦立本邑教諭東莞李一寧記今廢

明銀公去思碑

在縣儀門內正德八年為知縣銀鏡立檢討代州孫紹先記今廢

明常公去思碑

在縣儀門外嘉靖四十五年為知縣常世勳立御史邑人田應弼記

明徐公去思碑

在縣儀門外萬曆九年為知縣徐上達立太僕寺少卿邑人田應弼記

明白孫二公德政碑

在縣儀門外萬曆二十五年為知縣白起旦孫有品立兵部尚書肥鄉張

學顏記

明程公德政碑

在縣門西天啟三年為知縣程具堂立御史邑人王夢蛟記

國朝朱公仁政碑

在縣儀門外康熙十八年為知縣朱冕立歲貢邑人王逢春記

國朝譚公德政碑

在縣儀門外康熙四十年為知縣譚尚歲立進貢邑人史斌記

國朝袁公德政碑

在縣儀門外康熙五十八年為署縣事同知袁良怡立恩貢邑人王寬記

錦林蒞雞邑十年講材薄質自願無一二及於閭閻惟是勤以守拙儉以補廉方兢兢乎履錄之是懼者而德

政云乎哉乃濬牛尾河後邑中諸父老諄請為予紀碑予曰是

天子之愷澤覃敷是

上憲之承流宣化職在奔走者奉行故事而已焉足紀

余曰大上之興將半載使君載呈出入而秋毫無擾於民用以白感爾聖辭不可姑仍之今在儀門外年春予

以

差公出學博牛君告予曰百姓以君辦公而絕無苛派為

紀德政於南門况予為之紀矣予篤曰是職分所宜然果爾則將用是志吾愧矣爰即馳論不可于其里人事

竣回未至邑界父老約數百餘人持萬民衣傘而迎予告以故且辭焉及至南門而已巋然在望矣噫父老之

殷殷於予者既憐其意而不忍却而父老之殷殷於予者實按其意而重以自慚也二碑既存則其始末有不

得不紀者後之君子尚其諒之